

BACKGROUND INFORMATION DISCLOSURE (KEV QHIA TAWM NCAUJ LUS KEEB KWM) (BID) RAU LUB CHAW COV NEEG UA HAUJ LWM THIAB COV NEEG COG LUS UA LAG LUAM: COV LUS QHIA

(BACKGROUND INFORMATION DISCLOSURE (BID) FOR ENTITY EMPLOYEES AND CONTRACTORS: INSTRUCTIONS)

LAJ THAWJ

- Tsab ntawv *Qhia Tawm Ncauj Lus Keeb Kwm txog Cov Neeg Ua Hauj Lwm thiab Neeg Cog Lus Ua Lag Luam* ([F-82064](#)) sau ua ke cov ncauj lus uas txwv kom muaj raws Wis. Txoj Cai § 50.065 thiab Wis. Zauv Cim Tsab Cai ch. DHS 12 rau cov chaw lis [cov kev tshawb keeb kwm ntawm neeg zov tu](#) rau cov neeg ua hauj lwm thiab cov neeg cog lus ua lag luam uas yuav muaj thiab cov yeej muaj lawm. Cov chaw puav leej siv tau tsab ntawv no los lis kev tshawb keeb kwm ntawm cov neeg kawm ntawv thiab cov neeg pab dawb uas yuav muaj kev sib cuag tsis tu ncuu thiab ncaj qha nrog cov neeg tau kev pab.
- **FAJ SEEB:** Cov neeg thov kev pab tsis txhob siv tsab ntawv F-82064 rau *kev pom zoo khiav chaw* los sis cov chaw siv thov kev pov zoo rau ib tug neeg kom nyob tau hauv cov tsev tam *tus neeg nyob tsis tau kev pab*. Cov neeg thov *kev pom zoo khiav ib lub chaw* los sis rau *tus neeg nyob tsis tau kev pab* yuav tsum tau thov kev tshawb keeb kwm [ntawm ib lub chaw](#) ntawm Division of Quality Assurance (Faj Tswj Kom Ua Tau Zoo).

TXOJ CAI TSHAWB KEEB KWM NTAWM COV ZOV TU NEEG

[Cov chaw](#) yuav tsum lis kev tshawb keeb kwm ntawm cov neeg ua hauj lwm thiab cov neeg cog lus ua lag luam kom txheeb tau thaum chiv thawj thiab thaum txuas tshiab txoj kev tsim nyog ua hauj lwm tam [cov neeg zov tu](#). Raws li cai ntawm Wis. Txoj Cai § 50.065 thiab Wis. Zauv Cim Tsab Cai ch. DHS 12, lub chaw yuav ntiav los sis cog lus tsis tau nrog ib tug neeg uas ua hauj lwm tam "neeg zov tu," yog tias nom tswv tshawb muaj qee yam los sis muaj cov kev nplua txim uas puas raug tus tib neeg txoj kev txim nyog. Xyuas [Offenses Affecting Eligibility for Employment \(Cov Kev Ua Txhaum Cai Puas Raug Kev Tsim Nyog Tau Hauj Lwm Ua\) los sis Contract in Roles with Client Contact \(Cov Hauj Lwm Cog Lus nrog Kev Sib Cuag Neeg Tau Kev Pab\)](#).

TSAB NTAWV THOV KEV PAB

Yuav tsum tau muaj cov kev tshawb keeb kwm ntawm cov neeg ua hauj lwm thiab cov neeg cog lus ua lag luam uas yuav muaj thiab cov yeej muaj lawm hauv cov chaw. Lo lus [lub chaw](#) yog xam muaj, tiam sis tsis tag rau:

- Cov Chaw Zov Neeg Laus Nruab Hnub
- Cov Tsev Nyob Rau Neeg Laus
- Cov Kev Pab Txiaiv Dej Caw thiab Lwm Cov Kev Quav Tshuaj Yeeb
- Cov Koom Huam Tshab Thauj Mob
- AODA Kev Pab Txiaiv Dej Cawv
- Zej Zog Chaw Rau Neeg Nyob Kho Mob
- Zej Zog Chaw Pab Kev Puas Siab Puas Ntsws
- Cov Kev Pab Txhawb Zej Zog
- Cov Kev Pab Txhij Txhua hauv Zej Zog
- Cov Koom Huam Muab Kev Saib Xyuas
- Cov Chaw Pab Neeg Muaj Cov Kev Xeeb Meej Tsis Taus
- Kev Pab Cuam Ceev Rau Kev Puas Siab Puas Ntsws
- Cov Koom Huam Pab Xyuas Kev Noj Qab Haus Huv Tom Tsev
- Cov Kev Tu Xyuas Tos Tu Siav
- Tsev kho mob
- Chaw Kho Me Nyuam Uas Muaj Kev Puas Siab Puas Ntsws
- Tsev Laus
- Cov Chaw Kho Kev Puas Siab Ntsws Puas Hlwb Tsis Pw Kho
- Cov Koom Huam Tu Xyuas Tib Neeg
- Cov Chaw Tsev Nyob Uas Tau Kev Pab Tu
- Cov Chaw Kho Mob Nyob Ntug Nroog
- Cov Chaw Pab Neeg Hluas Muaj Kev Puas Ntsoog
- Cov kev pab tswj los ntawm ch. DHS 75

TXOJ CAI TSWJ KEV NCAJ NCEES NTAWM KEV UA HAUJ LWM & COV KEV TSWJ MUAJ RAU TXOJ KEV TSIM NYOG TAU

Wisconsin Txoj Cai §§ 111.31 – 111.395, txwv txiaiv tsis pub muaj kev ntxub ntxaug vim yog cov keeb kwm kev ua txhaum cai los sis kev tseem tos yuav nplua txim. Tiam sis, yuav tsis xam tias yog kev ntxub ntxaug thaum tsis kam ntiav los sis muab ntawv tso cai rau ib tug tib neeg vim yog nws keeb kwm kev raug ntes los sis raug txim yog tias txoj kev raug ntes los sis raug txim yeej txuam loj heev rau cov xwm txheeb ntawm ib txoj hauj lwm los sis ntawv tso cai ua ib yam dej num. Ntxiv mus, Wisconsin txoj cai tsim muaj cov kev tsim nyog tau hauj lwm ua los sis kev cog lus ua lag luam kom ua tau cov tes hauj lwm uas muaj kev sib cuag tsis tu ncuu thiab ncaj qha nrog tus neeg tau kev pab/neeg mob.

Wis. Txoj Cai § 50.065(4m)(b) nyeem tias:

Txawm li cas los s. 111.335, thiab tshwj tsis yog teev rau ntawm sub. (5), ib lub chaw yuav ntiav los sis cog lus ua lag luam tsis tau nrog ib tug neeg zov tu los sis tso cai nyob tau ntawm lub chaw ua tus neeg nyob tsis tau kev pab, yog tias lub chaw paub los sis yuav tsum paub txog ib yam nram no:

1. Tias tus tib neeg yeej raug ib lub txim loj heev.
2. Tias ib fab nom tswv los sis lub xeev ib lub koom haum, raws li txhais ntawm s. 16.61 (2) (d), tau pom tias tus tib neeg tau muaj kev tsim txom los sis tsis saib xyuas ib tug neeg tau kev pab twg los sis muab tej teej tug neeg tus neeg tau kev pab cia tsis zoo.
3. Tias tau txiaiv txim kawg raws s. 48.981 (3) (c) 5m. los sis, yog tias muaj rooj sib hais plaub tawm tsam ib txoj kev txiaiv txim, yuav txiaiv txim raws s. 48.981 (3) (c) 5p. pom tias tus neeg yeej tau tsim txom los sis tsis saib xyuas ib tug me nyuam.
4. Tias, yog txoj hauj lwm yuav tsum muaj ntawv ua pov thawj los ntawm lub tuam tsev tswj kev nyab xeeb thiab cov kev pab tshaj lij, tus tib neeg daim ntawv ua pov thawj siv tsis tau tam sim no los sis muaj kev txwv uas yog txwv tsis kheev tus neeg muab txoj kev zov tu tsim nyog rau tus neeg tau kev pab.

Xyuas [Offenses Affecting Eligibility \(Cov Kev Ua Txhaum Cai\)](#) kom paub yuav ua li cas.